

CONSELLO ECONÓMICO E SOCIAL

actividades 2014



CES
GALICIA

Consello Económico e Social de Galicia

Consello Económico e Social de Galicia

Algalia de Abaixo 24,
15704 Santiago de Compostela (A Coruña)

www.ces-galicia.org

actividades 2014

A actividade consultiva do CES en 2014 estivo marcada polo moi limitado número de ditames sobre iniciativas legislativas do Executivo que tiveron entrada para o correspondente ditame. En troques, o Consello centrou o seu labor na elaboración da Memoria, os informes e a colaboración con outras entidades, entre as que salienta a celebración de varias xornadas sobre aspectos da realidade socioeconómica de Galicia.



Nesta memoria de actividades recollemos, como vimos facendo desde hai case que dúas décadas, as principais actividades desenvolvidas polo Consello Económico e Social de Galicia no último ano.

Os primeiros apartados están adicados, como é habitual, a describir qué é o CES, o seu funcionamento e forma de traballar. Tamén se recolle a composición do organismo, coas persoas, entidades e organizacións que forman o Pleno e os distintos órganos colexiados, así como o número de sesións dos mesmos e os principais contidos das súas reunións.

Pero a memoria céntrase de seguido nos principais traballos aprobados polo Consello ao longo do ano, sobre todo na Memoria sobre a situación económica e social de Galicia correspondente a 2013, ademais do único ditame que foi solicitado

neste ano. Mentres tanto, seguimos a traballar no informe sobre a área de Ferrol, que esperamos sea aprobado axiña.

Entre as actividades que se abordaron este ano, salienta a celebración de dúas xornadas de estudo, análise e reflexión sobre aspectos específicos da nosa realidade que, organizadas en colaboración co IDEGA da Universidade de Santiago de Compostela, serviron para achegar as visións dos axentes sociais representados no Consello ao conxunto dos galegos.

Mantivemos tamén a colaboración con outros CES españois e seguimos a participar na organización de organismos similares do fachada atlántica europea a través da Rede Transnacional Atlántica (RTA), que ven de aprobar –xa no 2015– un estudio sobre a implementación da estratexia atlántica europea.

Estamos a traballar para consolidar as iniciativas desenvolvidas neste ano e para atopar novos camiños nos que proxectar o compromiso do Consello Económico e Social co desenvolvemento da nosa terra, da nosa xente.

Corina Porro Martínez
Presidenta

Qué é o CES

- **Natureza, finalidade e funcións**

O Consello Económico e Social é un organismo consultivo da Xunta de Galicia en materias socioeconómicas. Creado pola Lei 6/1995, do 28 de xuño, o CES configúrase como foro permanente de diálogo e deliberación entre os axentes económicos e sociais e a Xunta de Galicia coa finalidade de facer efectiva a participación destes axentes na política socioeconómica da Comunidade Autónoma.

O CES de Galicia foi creado pola devandita Lei 6/1995, do 28 de xuño, en aplicación do previsto no artigo 9.2 da Constitución española e nos artigos 4.2 e 55.4 do Estatuto de Autonomía de Galicia, para facilitar a participación de tódolos galegos na vida política, económica e social e atender a aspiración dos axentes económicos e sociais de que as súas opinións e propostas podan ser tidas en conta no proceso de adopción de decisións por parte do Executivo autonómico.

No CES está representado un variado abano de organizacións socio-profesionais, entidades e asociacións de todo tipo –desde os sindicatos ás Universidades, dos pescadores aos consumidores–, o que lle confire o seu especial carácter de foro permanente de diálogo e deliberación entre a sociedade civil organizada e a

Xunta de Galicia para o exercicio da súa función consultiva.

Este labor aplícase non só á actividade normativa gubernamental, senón mesmo á elaboración, por iniciativa propia, de estudos e informes que conteñan propostas encamiñadas a unha eventual introducción de reformas nas políticas públicas aplicadas nos diferentes sectores de actividade.

O Consello é un organismo independente do Executivo autonómico. Na súa composición, a diferenza do que acontece con órganos homólogos doutras comunidades autónomas, non figura ningún representante do Goberno.

O ámbito obxectivo para o exercicio das funcións atribuídas ao Consello son as materias socioeconómicas directamente vencelladas ao desenvolvemento económico e social de Galicia, en concreto as relativas á economía, fiscalidade, emprego e seguridade social, agricultura e pesca, educación e cultura, saúde, consumo, medio ambiente, transporte e comunicacións, enerxía e industria, vivenda e mercado único europeo.

Queda fóra deste ámbito de competencias e eido das relacións laborais, atribuído en exclusiva ao Consello Galego de Relacións Laborais.

O presidente da Xunta de Galicia é o encargado de solicitar do Consello a emisión de ditames ou informes de carácter preceptivo sobre anteproxectos de lei, proxectos de decretos legislativos

ou plans xerais ou sectoriais. Cando un departamento ou consellería competente entenda que un proxecto non require ditame preceptivo, deberá xustificar, coa correspondente memoria explicativa, a non remisión do mesmo a este organismo.

• Funcións

Entre outras funcións, o CES emite **ditames** preceptivos sobre anteproxectos de lei e proxectos de decretos legislativos que regulen materias socioeconómicas directamente vencelladas ao desenvolvemento económico e social de Galicia. Tamén pode ser consultado facultativamente para outros asuntos ou materias non comprendidas no apartado anterior.

O Consello tamén elabora **informes**, por iniciativa propia ou a petición da Xunta, sobre a realidade socioeconómica da Comunidade ou sobre plans o programas de desenvolvemento da mesma. Nese eido, pode dar a coñecer ao Goberno a súa opinión –o parecer dos seus membros– sobre a execución destes plans.

A participación en **mesas sectoriais** xunto con representantes da Administración é outra das funcións do CES.

A Lei recolle tamén a obriga de elaborar anualmente e remitir ao Consello da Xunta unha **memoria** sobre a situación económica e social de Galicia. Este traballo pode incluír opinións e recomendacións sobre as políticas gubernamentais.

• Os membros do CES

O Consello Económico e Social está formado por 35 membros: tres grupos de 11 membros, máis a presidenta e o secretario xeral.

- Grupo I: Os seus once membros son designados polas **organizacións sindicais** en función da súa representatividade. Neste momento, 4 membros corresponden a UGT–Galicia, 3 membros, á Confederación Intersindical Galega e 4 membros representan a Comisións Obreiras de Galicia.

- Grupo II: Corresponde ás **organizacións empresariais** con capacidade representativa. Os seus once membros son designados pola Confederación de Empresarios de Galicia.

- Grupo III: Acolle diversas **entidades e asociacións**. O sector agrario conta con catro representantes (segundo a representatividade obtida nas últimas eleccións agrarias, 2 membros de Xóvenes Agricultores, 1 de Unións Agrarias e 1 do Sindicato Labrego Galego); 2 membros do sector marítimo pesqueiro, designados polas confrarías de pescadores; 2 membros en representación do Consello Galego de Consumidores e Usuarios; e 3 representantes das Universidades galegas.

Cada membro ten un suplente para cubrir as súas eventuais ausencias ás reunións de traballo. Os membros son nomeados para

un período de catro anos, aínda que poden ser reemplazados pola súa organización en calquera momento. O substituto permanecerá no cargo ata o final do período previsto para o seu antecesor.

• Composición do Pleno en 2015

A composición do plenario do CES é variable, xa que os membros poden ser substituídos polas súas respectivas organizacións en calquera momento do seu mandato por circunstancias diversas.

Tendo en conta esta precisión, e dado que unha composición actualizada en cada momento pode consultarse na páxina web do Consello, nesta Memoria de actividades se recollen os membros do Pleno do CES a 31 de decembro de 2014 (titulares e suplentes). Organizados por grupos e segundo a organización á que pertencen, son os seguintes:

Presidenta: María Corina Porro Martínez.
Secretario xeral: Juan José Gallego Fouz.

MEMBROS TITULARES

Grupo 1.- Organizacións sindicais.

UGT–Galicia:

José Carlos Rodríguez del Río, Delia Irene Martínez Conde, Carmen Brea Iglesias e Ernesto Fontanes Blanco.

CIG (Confederación Intersindical Galega):

Manuel Currás Meira, Fernando R. Acuña Rúa e Natividade

López Gromaz.

CC.OO. de Galicia:

Maica Bouza Seoane, Adela Poisa Baños, Juan Martínez García e María Jesús Fernández García.

Grupo 2.- Organizacións empresariais.

CEG (Confederación de Empresarios de Galicia):

Fausto Santamarina Fernández, Antón Arias Díaz Eimil, Javier Martínez López, Gabriel García Aparicio, Eugenio Geijo Carril, Ángel Hermida Lage, José Manuel Pérez Canal, José Manuel Fernández Alvareño, Francisco Serna Gómez, Carlos González Fernández e Juan B. Salle Barreiro.

Grupo 3.- Outras entidades e asociacións.

Unións Agrarias de Galicia:

Pedro González Boquete.

Sindicato Labrego Galego:

Ramón Barreiro Carnota.

Xóvenes Agricultores:

Antonio de María Angulo.

Confrarías pescadores:

Evaristo Lareo Viñas (baixura).

José Antonio Gómez Castro (marisqueo).

actividades 2014

Consello Galego de Consumo:

Miguel López Crespo.

Otilia Novegil Villanueva.

Universidade de Vigo:

Xosé Henrique Vázquez Vicente.

Universidade da Coruña:

Amalia Blanco Louro.

Universidade de Santiago de Compostela:

Xóse Manuel Villanueva Prieto (substituíu a finais de decembro a Sara Cantorna Agra.)

MEMBROS SUPLENTES

Grupo 1.- Organizacións sindicais.

UGT-Galicia:

Eladio A. Romero Ares, Rosa Arcos Caamaño, Domingo Barros Montáns e Mar Alfonsín Madrigal.

CIG (Confederación Intersindical Galega):

Héctor López de Castro, Xavier Rodríguez Fidalgo e Margarida Corral Sánchez .

CC.OO. de Galicia:

Amelia Pérez Álvarez, Ascensión Esteban Ceballos, Demetrio Vázquez Martínez e José Manuel Lago Peñas.

Grupo 2.- Organizacións empresariais.

Confederación de Empresarios de Galicia:

José Antonio Neira Cortés, Verónica Val Vázquez, José Ramón Franco Caaveiro, José Manuel Rodríguez Tarrío, José Manuel Maceira Blanco, Ana García Caeiro, María de Miguel Pérez, Rafael Serrano Hernández, Araceli de Lucas Sanz, Ángel Fernández Presas e Marta Amate López.

Grupo 3.- Outras entidades e asociacións.

Unións Agrarias de Galicia:

Alba Torreira Puga.

Sindicato Labrego Galego:

María Jesús Vieites Calvo.

Xóvenes Agricultores:

Juan Pérez Sánchez-Orozco e Francisco Bello Bello.

Confrarías pescadores:

Jesús Ramón Longueira Suárez e Francisco Javier Martínez Durán.

Consello Galego de Consumo:

Rosa Celia Otero Raña e María Josefa Neira González.

Universidade da Coruña:

Ángel S. Fernández Castro.

Universidade de Santiago de Compostela:

José Pereira Fariña.

Universidade de Vigo:

Xulia González Cerdeira.

• Órganos

A participación efectiva dos membros no traballo do CES artéllase a través de distintos **órganos colexiados**: o Pleno, a Comisión Permanente e as Comisións Sectoriais.

O Consello conta tamén con dous **órganos unipersonais**, a Presidenta e o Secretario Xeral.

O **Pleno** é o órgano de goberno do Consello. Está composto polos seus 35 membros, todos con dereito a voto agás o secretario xeral. O Pleno establece as liñas xerais de actuación do Consello e organiza o seu funcionamento interno, aproba os ditames, estudos ou informes, decide a elaboración doutros traballos e aproba tamén a Memoria sobre a situación económica e social de Galicia.

A **Comisión Permanente** é o órgano colaborador do Pleno no goberno do CES. Está composta polo presidente, o secretario xeral

e nove membros titulares, tres de cada un dos grupos que o compoñen. Entre as súas funcións destaca a supervisión das actividades do organismo e a coordinación dos traballos das diferentes comisións. A Comisión Permanente eleva ao Pleno canto estima necesario para o mellor funcionamento do Consello.

As tarefas cotiás de elaboración de informes e ditames están adscritas ás **comisións sectoriais**, grupos de traballo de nove membros que manteñen a representación proporcional do Pleno (con tres membros de cada un dos grupos do plenario). O CES funciona con catro comisións sectoriais especializadas por ámbitos:

- CS-1: Economía, emprego e sectores produtivos.
- CS-2: Sector público e benestar social.
- CS-3: Desenvolvemento rexional.
- CS-4: Memoria socioeconómica de Galicia.

A **presidenta** representa ao Consello e dirixe as súas actuacións, ademáis de velar polo bo funcionamento do mesmo, mentres que o **secretario xeral** é o órgano de asistencia técnica e administrativa do CES e o depositario da fe pública dos seus acordos.

O ámbito das funcións atribuídas ao Consello Económico e Social de Galicia corresponde ás materias socioeconómicas directamente vencelladas ao desenvolvemento económico e social de Galicia, un amplo abano de actividades que teñen incidencia na vida cotiá das galegas e galegos.

Segundo o acordo tomado polo Consello da Xunta na súa reunión do día 18 de febreiro de 1999, *“enténdese por materias socioeconómicas as relativas a economía, fiscalidade, emprego e seguridade social, agricultura e pesca, educación e cultura, saúde, consumo, medio ambiente, transporte e comunicacións, industria e enerxía, vivenda e mercado único europeo”*.

- **Procedementos. Cómo funciona o CES.**

Para explicar o funcionamento interno dos distintos órganos do Consello para abordar o desenvolvemento das súas funcións, podemos distinguir entre o procedemento externo, que é o que se ten que seguir para solicitar do organismo un ditame, e os procedementos internos, as vías que segue esta petición ou calquera dos traballos que se encetan.

- *O procedemento externo.*

O procedemento establecido para que o Goberno galego solicite a actuación consultiva do CES foi definido tamén polo Consello da Xunta na devandita sesión de febreiro de 1999, nos seguintes termos:

“1.- Correspóndelle ao Presidente da Xunta solicitar do Consello Económico e Social de Galicia a emisión de ditames ou informes sobre anteproxectos de lei, proxectos de decretos legislativos e plans xerais ou sectoriais a que se refire o artigo 5.1.1. da Lei

6/1995, do 28 de xuño, así como aquel outros dos que a solicitude teña carácter preceptivo.

2.- Os departamentos ou consellerías con competencias para a elaboración dos anteprojectos, proxectos e plans sinalados no apartado 1 deste acordo, cando fose preceptivo o informe do Consello Económico e Social de Galicia, de acordo coa súa lei de creación, interesaran do presidente da Xunta. A petición de ditames irá acompañada de toda a documentación necesaria para se poder pronunciar.

3.- Cando os departamentos ou consellerías competentes estimen que os anteprojectos, proxectos ou plans a que se refire o punto 1 deste acordo non requiren ditame preceptivo do CES-Galicia, xustificarán o dito extremo mediante a incorporación ao expediente dunha memoria, asinada polo secretario xeral, na que se precisen as razóns polas que non se considera preceptivo o ditame, salvo no caso de que este finalmente se interese.”

- *Procedementos internos.*

O seu Regulamento de Réxime Interno, aprobado polo Pleno na súa sesión de 29 de abril de 1996 (DOG do 11 de xuño de 1996) e modificado polo Pleno na sesión de 9 de marzo de 1999 (DOG do 24 de marzo de 1999) e na sesión de 22 de febreiro de 2001 (DOG do 15 de marzo de 2001), regula os procedementos internos do Consello, tanto o procedemento xeral como os distintos procedementos específicos.

O **procedemento xeral** iníciase, unha vez recibida a petición de elaboración dun ditame, coa remisión da mesma por parte do presidente do Consello ao presidente da comisión sectorial competente segundo o asunto de que se trate. Á vez, notifícase esa remisión á Comisión Permanente e, por extensión, en virtude dun acordo plenario, a todos os membros do CES.

Unha vez recibido o encargo, no que se fixan tamén os prazos máximos para o remate do traballo, a comisión sectorial organiza o seu labor do xeito que considera máis oportuno, sempre contando co apoio dos servizos técnicos do Consello, en particular do Centro de Documentación e do Gabinete Técnico. Se se estima necesario, pode contar co asesoramento de expertos externos.

Unha vez rematado o traballo e redactada unha proposta de ditame (os informes ou estudos iniciados por propia iniciativa seguen un proceso similar, agás na súa orixe), entrégaselle ao presidente do CES, que é o encargado de enviálo á Comisión Permanente como paso previo á convocatoria do Pleno. Nalgún caso, e previa delegación do Pleno, a propia Comisión Permanente pódese encargar da aprobación dalgún dos traballos do Consello. No caso de que a aprobación corresponda ao Pleno (que é o habitual), a Comisión Permanente limitarase a coñecer o texto remitido pola comisión sectorial e convocar a celebración da sesión plenaria.

Antes da data sinalada para a mesma, os membros do Consello poden presentar as enmendas que estimen oportunas ao texto

proposto. Se se trata de enmendas totais, éstas deben ir acompañadas dun texto alternativo.

O Pleno debate o texto elaborado pola comisión sectorial e mais as posibles enmendas, que, sometidas a votación, son incorporadas ou non. Finalizado o debate, o texto final sométese tamén a votación para a súa aprobación. Se non se acadara unha maioría suficiente, o texto podería volver a remitirse á comisión sectorial para a súa remodelación segundo os parámetros expresados na sesión. Se, polo contrario, a maioría dos membros do Pleno vota a favor do texto, o procedemento remata coa inclusión do resultado e os posibles votos particulares na resolución aprobatoria e a remisión do texto final á Xunta de Galicia.

Cada un dos traballos que aborda o Consello Económico e Social de Galicia ten o seu propio **procedemento específico** de elaboración aprobado pola Comisión Permanente, que son lixeiras variacións respecto a este esquema xeral para adaptalo ás características concretas dos informes, ditames, informes-opinión ou a Memoria socioeconómica.

Xestión económico-administrativa

- **Organigrama técnico-administrativo**

Para o cumprimento dos seus fins, o Consello Económico e Social de Galicia conta cunha estrutura de técnicos e persoal de administración, formada por nove traballadores, que se organiza en distintos departamentos.

- O **Gabinete Técnico** é o encargado da elaboración dos traballos preliminares para a redacción dos informes e ditames do Consello, cunha descrición e análise pormenorizada do obxecto do estudo. Está composto por dous expertos economistas. O Gabinete aporta as referencias estatísticas necesarias para os traballos, as analiza e prepara unha proposta da parte descriptiva do informe para a súa posterior avaliación por parte das Comisións Sectoriais. O seu labor céntrase na redacción da memoria anual sobre a situación económica e social de Galicia e dos distintos informes e ditames que, por propia iniciativa ou a petición da Xunta de Galicia, elabora o Consello. A partir das súas propostas, redáctanse ás consideracións, que son aportadas polos distintos membros da comisión sectorial competente.

- O **Centro de Documentación** e apoio ao Consello é o encargado de proporcionar ás Comisións Sectoriais, á Permanente e, no seu caso, ao Pleno do CES todos os datos que precisen para a correcta elaboración dos seus traballos. Tamén pon a disposición dos membros do Consello fondos e recursos documentais, en calquera lugar no que se atopen, na máis ampla gama de soportes. Xestionar eses fondos dunha maneira rápida e áxil é o fin último do Centro de Documentación do CES-Galicia.

A función do Centro de Documentación e apoio ao Consello é facilitar aos seus membros e ao Gabinete Técnico os materiais bibliográficos e documentais que podan necesitar para as súas reunións e para unha axeitada toma de decisións. O Centro ofrece información especializada na área socioeconómica aos membros do CES-Galicia e ao persoal técnico deste. Internet é nunha ferramenta básica para o traballo do departamento desde hai varios anos.

- O responsable do **Departamento de Xestión** encárgase de todas as funcións de xestión presupostaria e contable, da contratación de servizos e suministros, do seguimento das obras, reformas e mantemento das instalacións e, dun xeito destacado, da xestión de recursos humanos do organismo.

- As tarefas de exteriorización da actividade do organismo artéllanse no **Gabinete de Comunicación**. Dunha banda, este departamento é o encargado, baixo a coordinación e con dependencia funcional do secretario xeral, do seguimento do proceso


dos procedementos que ten en marcha o Consello e o cumprimento dos prazos establecidos pola lei para o seu remate. As relacións cos membros do Consello son parte fundamental do labor diario. Por outra banda, o gabinete é o responsable das relacións externas, das relacións cos medios de comunicación e da coordinación das publicacións do CES, entre elas a presente memoria. Entre as súas responsabilidades inclúese tamén, en coordinación co Centro de Documentación, participar no contido da páxina web do Consello, na que estamos a incluír, nunha área privada para os membros, todo o material documental necesario para o desenvolvemento das distintas sesións das comisións sectoriais.

- O responsable da unidade de **Administración da rede informática**, que depende orgánica e funcionalmente do Centro de Documentación, encárgase do deseño e mantemento dos sistemas de información e novas tecnoloxías do Consello, así como da crecente aplicación das mesmas ao traballo diario e mais á relación cos seus membros. Tamén está a traballar no soporte técnico da páxina web do Consello.
- Tres **auxiliares** administrativos–técnicos auxiliares en informática, que dependen organicamente do Departamento de Xestión e funcionalmente dos responsables das áreas ás que están adscritos, realizan o apoio administrativo necesario no desenvolvemento das actividades propias do Consello.

• **O orzamento**

O orzamento do CES para o ano 2014 ascendeu a unha coantía total de 753.234 euros, é dicir un 1,18 % menos que no ano anterior. O reparto por capítulos é o seguinte:

| | |
|-------------|---------|
| Capítulo I | 514.889 |
| Capítulo II | 235.345 |
| Capítulo VI | 3.000 |



Como pode apreciarse, o groso das partidas orzamentarias corresponde a gastos de persoal, que levan dous de cada tres euros asignados.

Un ano de actividade

Entre as actividades desenvolvidas polo Consello Económico e Social de Galicia no ano 2013, en cumprimento das funcións que lle son propias, recollemos de seguido os documentos aprobados (neste ano, un só ditame –o único solicitado– e a memoria socioeconómica anual), as reunións celebradas polos seus órganos colexiados, cos seus acordos máis destacados. Tamén facemos un breve resumo da importante actividade institucional desenvolvida nestes doce meses, tanto no marco intercomunitario como no eido europeo, a través de habitual colaboración con organismos homólogos na Rede Transnacional Atlántica (RTA).

Como sempre, información máis polo miúdo pode atoparse na web do CES, onde están dispoñibles todos os documentos a texto completo. Esta documentación pode atoparse no apartado de Publicacións ou procurarse a través do buscador.

- **Documentos aprobados. Ditames**

Como se indicou en páxinas anteriores, unha das funcións básicas do Consello, das que veñen establecidas directamente na súa lei de creación, é a emisión de ditames, ademáis da elaboración dunha memoria sobre a realidade socioeconómica galega. En cumprimento deste mandado, en 2013 o CES emitiu un só ditame, en resposta á única solitude recibida do Goberno galego,

e aprobou e publicou a Memoria sobre a situación económica e social de Galicia 2013.

O ditame, aprobado por unanimidade, foi o seguinte:

- Ditame 1/14, sobre o anteproxecto de Lei de mellora da estrutura territorial agraria de Galicia.



Entre outros aspectos –o texto completo pode atoparse na web–, o ditame salienta que o texto inclúe *“aspectos que, respecto ás normas anteriores, que poden resultar positivos de cara a poñer en valor a superficie agraria de Galicia, entendendo incluídos na mesma os terreos forestais, tentando evitar o seu abandono, e buscando novas formas de reorganizar as parcelas e as infraestruturas rurais dun xeito máis racional, áxil, sostible e económico. Por tanto, o CES considera oportuno o anteproxecto de lei e axeitados os obxectivos que persegue”*.

- **Memoria sobre a situación económica e social**

Outra das funcións asignadas ao Consello é a elaboración dun estudo global sobre a situación socioeconómica da comunidade autónoma, o meirande documento que redacta este organismo cada ano. En cumprimento desa disposición, o Pleno aprobou neste ano a *Memoria sobre a situación económica e social de Ga-*

licia 2013 (cada ano, estúdiase a situación sobre os datos estatísticos correspondentes ao exercicio anterior). Aprobado polo Pleno na súa sesión do 15 de xullo, o documento mantén unah estrutura de cinco capítulo, ademais dun apartado que recolle as opinións, as consideracións dos membros do Consello, as súas inquedanzas consensuadas sobre distintos aspectos da vida económica e social de Galicia. Desde o CES, entendemos que éste é o principal valor do noso traballo.



Aínda que, como é habitual, esta Memoria 2013, como as anteriores, pode consultarse na páxina web do CES, recóllense de seguido as consideracións máis salientables aportadas polo Consello, agrupados segundo a estrutura do documento, en cinco apartados.

1.- Panorama económico

Ante as dificultades da economía galega, o CES considera que a atención das políticas de crecemento, escasa e supeditada en todo caso aos obxectivos de austeridade e disciplina macroeconómica, debería tender a consolidar un patrón de crecemento máis sostible e mellor adaptado ás características das economías avanzadas.

O deterioro da demanda interna continúa dificultando o crecemento da actividade económica e a creación de emprego neto,

polo que, en opinión do CES, ademais de actuar na mellora da internacionalización e da competitividade exterior, as prioridades de actuación deben orientarse, en paralelo e decididamente, a reactivar o mercado interno, o emprego e o dinamismo investidor.

O CES considera positivo o crecemento do sector industrial tendo en conta os efectos de arrastre sobre o resto de actividades produtivas e a demanda de servizos a empresas. Ademais, destaca a importancia de crear un marco idóneo para a consolidación deste crecemento.

En opinión do CES, resulta preocupante a redución do peso relativo da remuneración de asalariados en case catro puntos dende que comezou a crise polas consecuencias que isto pode ter, entre outras, para a recuperación económica.

Tendo en conta o forte impacto social e económico da crise, o CES quere reiterar a súa preocupación pola progresiva redución de recursos dedicados á produción de bens públicos de carácter social, en especial en educación e sanidade (247 millóns de euros menos entre ambos os dous), así como dos dedicados á protección e promoción social (175,7 millóns) e á produción de bens públicos de carácter económico (88,6 millóns de euros). Fronte a esta caída, rexístrase un elevado e progresivo incremento dos recursos destinados a afrontar os pagos da débeda pública.

O CES reitera a necesidade de adoptar medidas que favorezan a

natalidade e que contribúan á fixación da poboación na nosa comunidade.

En opinión do CES, o persistente descenso da poboación con idades comprendidas entre os 15 e 34 anos constitúe un feito preocupante polas consecuencias futuras que ten, entre outros aspectos, na sostibilidade do sistema de protección social.

2.- Mercado de traballo e relacións laborais

As peores consecuencias da crise económica no mercado laboral son a forte destrución de emprego e o grave incremento da poboación parada, polo que o CES entende necesario destacar, unha vez máis, que a consecución do crecemento económico necesario para acadar a creación de emprego estable, debe ser un obxectivo global das políticas económicas que se implementen por parte dos poderes públicos.

O CES considera necesario volver a resaltar que o fomento do emprego debe estar asociado á implementación de medidas de estímulo económico que favorezan o retorno a unha senda de crecemento sostido no tempo.

O CES considera necesario salientar a gravidade do continuo descenso do número de afiliacións (máis de 155.000 dende que comezou a crise económica) dadas as súas consecuencias na sostenibilidade do sistema de protección social.

O CES considera necesario insistir na gravidade do problema

económico e social asociado á menor ocupación, e en que a crise está a provocar unha modificación das condicións do emprego, entre outros, en termos de incremento na taxa de traballo a tempo parcial ou de redución da duración dos contratos.

Dada a persistencia e a duración do desemprego, o CES cree necesario insistir na importancia de avanzar na complementariedade entre as políticas económicas e de emprego e as medidas de protección e inclusión social, prestando especial atención aos colectivos con maiores dificultades de empregabilidade, como poden ser os maiores de 45 anos, a mocidade ou o de longa duración.

O CES considera importante destacar a necesidade dunha maior concienciación das políticas de prevención laboral, facendo especial mención no sector primario.

3.- Tecido produtivo

O CES quere chamar a atención sobre o elevado ritmo de destrución do noso tecido empresarial, lastrado polas dificultades derivadas dun mercado interno contraído, un endebedamento elevado e unha falla de acceso ao financiamento. Por todo o sinalado, é importante que a política económica se oriente á recuperación dos sectores, especialmente os estratéxicos, á busca de novas oportunidades e á mellora da competitividade.

O CES entende que as políticas económicas deben apoiar iniciativas emprendedoras viables que favorezan a consolidación dun tecido empresarial sólido e de calidade.

O crecemento e fortalecemento do sector primario en Galicia deben sustentarse tanto na realización dos necesarios axustes estruturais como nunha aposta clara pola calidade e especialización da súa produción.

As explotacións agrarias e gandeiras galegas precisan dispoñer de superficie agraria útil para acadar uns custes de produción o mais baixos posibles co fin de ser máis competitivas e obter unhas rendas por UTA (Unidades de Traballo Agrario) suficientes para desenvolver a actividade. Neste senso, o CES considera que o Banco de Terras de Galicia (Bantegal) pode ser un instrumento útil si se dota dos recursos axeitados para facilitar o acceso á terra a quen a precise, nunhas condicións económicas e agronómicas axeitadas, e ao mesmo tempo garantindo uns ingresos dignos para os seus propietarios.

A longa tradición e as inmejorables condicións da costa galega fan da acuicultura unha actividade en continua expansión e de gran importancia en Galicia. A Administración debe sentar as bases para que o sector poida afrontar coas maiores garantías posibles os retos que a actividade afronta nos ámbitos da ordenación da produción e dos mercados.

Os procesos de internacionalización do sector da madeira no seu conxunto deberían ser apoiados dende o sector público, dada a gran importancia do dito sector e as súas enormes posibilidades de expansión e especialización en base á gran extensión forestal galega.

O CES chama a atención sobre que o crecemento no valor engadido do sector industrial no ano 2013 non se traduce nunha mellora do emprego no sector nin en perspectivas positivas sobre a evolución do mesmo por parte do empresariado. A recuperación do sector, tanto en termos de actividade como de emprego, está lastrada tanto polas dificultades de acceso ao financiamento por parte das empresas, como polo forte incremento dos custos enerxéticos. O custo da enerxía eléctrica para o consumo industrial medra en España máis dun 46% dende o ano 2007, fronte a incrementos en torno ao 16% na UE-28.

Contar con medidas efectivas de apoio ao sector industrial, en especial no ámbito financeiro e enerxético, parece o camiño máis directo para apoiar o crecemento da actividade económica e favorecer a recuperación dos sectores estratéxicos do sistema industrial galego.

A supervivencia dos sectores estratéxicos é fundamental para poder asentar a recuperación económica e asegurar un crecemento sostible, baseado na especialización en producións de alta tecnoloxía e elevado valor engadido.

Os efectos da contracción da demanda e a evolución negativa das vendas do sector servizos son especialmente preocupantes nunha actividade intensiva en emprego que acolle, na rama de comercio por xunto e polo miúdo, a 149 mil persoas ocupadas en Galicia. O CES chama a atención sobre a necesidade de valorar a implementación de medidas de apoio e modernización no sec-

tor servizos, en especial no comercio, non só por tratarse de actividades con enorme importancia en canto a VEB ou emprego, senón tamé, porque as ditas actividades comerciais teñen un forte efecto arrastre sobre outros sectores e actividades, o transporte en especial, e son elementos importantes de dinamización territorial.

A posta en marcha de medidas dirixidas a potenciar a canalización do aforro ás necesidades de consumo e investimento é fundamental para acadar a recuperación dunha senda de crecemento sostible.

As medidas de fomento da actividade comercial exterior galega deben ter en conta a Eurorrexión Galicia-Norte de Portugal, que, polo seu tamaño e integración, constitúe un espazo básico para o desenvolvemento económico de ámbolos dous territorios.

O CES considera importante favorecer e apoiar o esforzo de internacionalización da empresa galega, en especial da pequena e mediana empresa.

4.- Calidade de vida e benestar social

Dada a importancia social, cuantitativa e cualitativa das pensións contributivas, cabe destacar os efectos derivados da existencia dun diferencial negativo de máis dun 17% entre o importe medio das pensións contributivas en Galicia e a media estatal, o que mantén a Galicia como a Comunidade co importe medio das pensións contributivas máis reducido.

En paralelo ao aumento do paro rexistrado en Galicia no ano 2013, o número de beneficiarios das prestacións por desemprego, tanto contributivas como asistenciais, diminúe. Esta caída no número de beneficiarios desemboca nun descenso da taxa de cobertura xeral, así como da porcentaxe de beneficiarios de prestacións contributivas sobre o total. O contexto descrito fai necesario, en opinión do CES, adaptar a cobertura social ás circunstancias derivadas da profunda crise económica sufrida.

O CES insiste na necesidade de incidir nas medidas para garantir os mínimos de subsistencia ante a profundización dos efectos sociais da crise económica.

O CES reitera a necesidade de ter en consideración que, xunto aos recursos económicos dispoñibles, a evolución e idiosincrasia demográfica galega condiciona de xeito fundamental as necesidades actuais e futuras do sistema sanitario, entre outros.

Fronte ao incremento das enfermidades tumorais e dada a importancia das medidas de prevención, o CES insiste na necesidade de incrementar os fondos destinados á investigación e á implementación de programas de cribado, que permitan reducir a incidencia e favorezan a efectividade dos tratamentos.

Un dos indicadores do grao de eficiencia e de calidade da sanidade son as listas de agarda, que deben priorizar adecuadamente aos doentes e garantir que non se exceden os tempos máximos establecidos. Os protocolos utilizados para elaborar as

listas de agarda deben ser axeitados para que as ditas listas proporcionen a información necesaria para valorar o cumprimento dos obxectivos marcados.

Como pilar fundamental do modelo de benestar social, o CES non pode menos que mostrar a súa preocupación pola paulatina redución dos gastos sanitarios e os efectos sobre a poboación que esta redución ten, en termos de listas de agarda, menores recursos asistenciais así como para as políticas de prevención, entre outras e, especialmente, dada a estrutura poboacional galega, no que respecta ao gasto farmacéutico.

O CES chama a atención sobre a importancia, nestes momentos, de reforzar todas as actuacións e medidas de política social, educación e sanidade que permitan manter unhas condicións de vida dignas e que contribúan á cohesión social.

A persistencia da crise económica pon de manifesto a vulnerabilidade das familias, con serios problemas para facer fronte aos seus compromisos de pago en bens como a vivenda, e ás súas dificultades para manter cubertas as necesidades básicas. O CES reclama un papel máis activo das políticas de vivenda social co fin de garantir o dereito universal a unha vivenda digna.

En especial, o CES entende primordial implementar medidas para paliar as situacións de pobreza que afectan á poboación en idade infantil e xuvenil.

As medidas de racionalización do sistema da dependencia teñen modificado o sistema, tanto cualitativa como cuantitativamente, a través da redución de recursos orzamentarios ou da minoración das contías máximas e mínimas, entre outros. O CES entende prioritario que todas as persoas que teñan recoñecido o seu dereito a unha prestación por estar nunha situación de dependencia accedan á mesma no menor tempo posible.

Finalmente, o CES considera importante a necesidade de sensibilizar á poboación, en especial aos xóvenes, nos ámbitos da igualdade e contra a violencia de xénero.

O CES reitera a súa preocupación e estima que a protección medioambiental é un elemento fundamental do desenvolvemento rural, que debe facerse compatible coas necesidades da estrutura produtiva e o desenvolvemento económico de Galicia, con maior incidencia no sector primario.

Dada a extensión de superficie forestal existente en Galicia, así como a súa enorme importancia económica, medioambiental e social, é necesario recalcar a importancia das medidas de prevención e defensa contra os incendios forestais, facendo fincapé na prevención a través, entre outras medidas, da limpeza de montes, da concienciación e de repoboacións das chamadas especies protectoras, que favorecen a conservación e mellora da diversidade forestal.

A crise do sector cultural e de ocio fai necesario que se instru-

menten medidas paliativas e de recuperación da actividade económica no sector, que estimulen a produción e o consumo.

5.- Recursos e capacidades para o desenvolvemento

O CES quere chamar a atención de que a LOMCE constitúe a sétima reforma educativa dende que se aprobou a Constitución. De cara ao futuro, reclama aos poderes públicos dotar de estabilidade normativa ao sistema educativo a través dun amplo consenso social, tendo en conta que a educación é un elemento básico para garantir a igualdade de oportunidades e clave para acadar unha sociedade próspera e o crecemento económico.

Tendo en conta que Galicia é a Comunidade Autónoma con maior porcentaxe de profesorado con idades próximas á xubilación e unha das que presenta menor porcentaxe do profesorado con menos de trinta anos, o CES reitera que a fixación dunha taxa de reposición apropiada a cada territorio e á súa estrutura demográfica é fundamental para o bo funcionamento do sistema educativo.

A redución dos recursos en I+D sitúa a Galicia cada vez máis lonxe do obxectivo do 3% para o ano 2020, de xeito que a crise económica non só deriva nunha redución do esforzo investidor, senón tamén nunha maior separación respecto ao esforzo investidor medio europeo. O CES entende necesario destinar recursos a I+D cara acadar os obxectivos comprometidos que permitan incorporar no modelo de crecemento o progreso tecnolóxico.

Reforzar as actuacións no ámbito da I+D é fundamental para avanzar na recuperación económica, propiciando un achegamento aos indicadores medios europeos, a través dun maior esforzo investidor tanto público como privado neste campo e unha maior colaboración entre ambos.

O CES entende que a planificación estratéxica e a reactivación dos investimentos en infraestruturas resulta fundamental para tratar de estimular a actividade económica nun contexto de crise e axustes fiscais como o actual.

• Reunións dos órganos colexiados

Para cumprir as súas funcións, o CES organízase en comisións sectoriais de traballo, ademáis dunha Comisión Permanente e o Pleno. A súa composición e estrutura poden consultarse na primeira parte desta memoria de actividades e, como todo o resto do material documental, na web do Consello.

A actividade deste exercicio, que neste eido estivo un pouco por baixo do que é habitual dada a pequena demanda de actividade consultiva orixinada pola Xunta de Galicia, demandou a celebración de unicamente tres sesión plenarias, cinco reunións da Comisión Permanente e dezasete sesións das distintas comisións sectoriais que elaboran as propostas dos traballos. Resúmense de seguido os cometidos abordados por estes órganos colexiados.

Pleno: 3 sesións

| | |
|------|---------------|
| 1/13 | 14 de xaneiro |
| 2/13 | 04 de abril |
| 3/13 | 11 de xullo |

Comisión Permanente: 5 sesións

| | |
|------|----------------|
| 1/13 | 10 de xaneiro |
| 2/13 | 26 de marzo |
| 3/13 | 09 de xullo |
| 4/13 | 09 de outubro |
| 5/13 | 12 de novembro |

Comisión sectorial nº 1: 3 sesións

Aínda que a Comisión sectorial nº 1, *Economía, emprego e sectores produtivos*, é habitualmente unha das máis activas, dado que o seu ámbito de actuación é moi amplo e abrangue multitude de campos, neste exercicio o seu labor non foi moi demandado polo antedito baixo nivel de petición de ditames. En concreto, neste ano 2014, as súas tres reunións estiveron adicadas a elaboración da proposta de ditame sobre o anteproxecto de Lei de mellora da estrutura territorial agraria de Galicia.

| | |
|------|-------------|
| 1/13 | 16 de xullo |
| 2/13 | 21 de xullo |
| 3/13 | 28 de xullo |

Comisión sectorial nº 2: 0 sesións

A Comisión sectorial nº 2, *Sector público e benestar social*, non foi convocada a sesión ningunha neste ano.

Comisión sectorial nº 3: 4 sesións

A Comisión sectorial nº 3, *Desenvolvemento rexional*, é a encargada da redacción dos informes territoriais que ven desenvolvendo o CES. Nestes intres, segue a traballar no estudio de Ferrol e a súa área, labor ao que estiveron adicadas as sesións que celebrou neste ano.

| | |
|------|----------------|
| 1/13 | 12 de febreiro |
| 2/13 | 14 de marzo |
| 3/13 | 24 de setembro |

actividades 2014

4/14 31 de outubro

Comisión sectorial nº 4: 10 sesións

Como cada ano, a Comisión sectorial nº 4, *Memoria socioeconómica*, elaborou a Memoria sobre a situación económica e social de Galicia 2013, para o que foron necesarias dez sesións. O seu esforzo volveu permitir que se cumprira co obxectivo de tela aprobada antes do verán.

| | |
|-------|-------------|
| 1/13 | 8 de maio |
| 2/13 | 15 de maio |
| 3/13 | 22 de maio |
| 4/13 | 27 de maio |
| 5/13 | 6 de xuño |
| 6/13 | 11 de xuño |
| 7/13 | 17 de xuño |
| 8/13 | 19 de xuño |
| 9/13 | 27 de xuño |
| 10/13 | 15 de xullo |

- **Actividade institucional e proxección**

Xunto coa a súa actividade interna, dirixida á plasmación do seu labor consultivo, o CES desenvolve tamén actividades externas, de colaboración con outros organismos similares ou de participación en organizacións de ámbito europeo, nun intento de proxeccionar á sociedade os pareceres, as opinións, as inquedanzas sociais e económicas das organizacións, entidades e asociacións representadas no seu seo.

Neste eido, unha das vías de proxección pública que está a utilizar o Consello nos últimos exercicios é a colaboración cos outras institucións. Xunto á habitual traballo en común que se ven facendo cos outros CES autonómicos e o CES do Estado, ademáis da participación con organismos homólogos de Europa a través da RTA –xa se falou desta rede en páxinas anteriores–, afondamos no entendemento e o traballo común coa Universidade de Santiago de Compostela, concretamente co seu instituto de estudos económicos de Galicia (Idega), na forma de xornadas de estudio e mesmo na dotación conxunta dun premio de investigación socioeconómica.

Destas actividades, que tamén recolleemos na web do Consello cando se producen, damos conta de seguido.

Galicia participa no encontro anual dos CES autonómicos 2014, celebrado en Sevilla

26 e 27 de xuño

Sevilla foi o escenario do encontro anual dos Consellos Económicos e Sociais autonómicos 2014 no que, un ano máis, estivo presente o CES de Galicia. Con estas reunións anuais, estes organismos consultivos intercambian experiencias, coordinan actuacións e buscar aproveitar as sinerxías para acadar unha maior efectividade nas súas funcións. Nesta ocasión, o CES de Andalucía foi o encargado de organizar o encontro.

Nas reunións, que se celebraron os días 26 e 27 de xuño na Casa de la Provincia, o CES de Galicia estivo representado pola súa presidenta e máis o secretario xeral. O encontro foi inaugurado polo presidente do CES de Andalucía, Ángel Gallego, e o presidente da Deputación de Sevilla, Fernando Rodríguez.

Xornada de análise sobre o desemprego na xuventude galega

29 de abril

Dentro do devandito marco de colaboración entre o CES e o IDEGA, a finais de abril celebrouse na sede do Consello unha xornada de estudo sobre a complicada situación laboral da xuventude galega. Esta reflexión reuniu, o día 14 de maio, a algúns dos

principais especialistas de Galicia neste campo. Organizada en colaboración co Insituto Universitario de Estudos e Desenvolvemento de Galicia (IDEGA) da USC, a xornada levou por título “Situación actual e perspectivas laborais da xuventude galega” e contará coa participación de expertos da institución universitaria, centros de estudos e con representantes das organizacións membros do CES.

Entre outros aspectos, os asistentes puideron profundizar nas tendencias demográficas na comunidade autónoma, tanto actuais como futuras, comparacións entre o desemprego xuvenil en Galicia e noutras zonas de Europa ou a exclusión social e o crecemento da desigualdade, ademáis das consecuencias da saída de migrantes xóvenes.

O formato destes xornadas, que seguimos a organizar tamén neste ano, contempla unha mesa redonda de debate sobre posibles reformas e propostas de actuación na que participan os membros do Consello.

Representantes dos axentes económicos e sociais membros do CES presentaron as súas propostas para combatir o desemprego xuvenil, un dos graves problemas que ten Galicia, nesa mesa redonda coa que rematou a xornada

Conferencia en Bruselas sobre o papel da sociedade civil na execución da Estratexia Atlántica Europea, coa RTA

16 de maio

Atopar os mecanismos axeitados para acadar a máxima implicación e participación efectiva dos actores da sociedade civil no desenvolvemento da Estratexia Atlántica europea. Este é o ambicioso reto que se plantexan os consellos económicos e sociais agrupados na Rede Transnacional Atlántica (RTA), na que participa o Consello Económico e Social de Galicia. Con este obxectivo, representantes da RTA participaron en Bruselas nunha conferencia co Comité Económico e Social Europeo (CESE) para avaliar o papel da sociedade civil na estratexia da UE para a rexión atlántica.

Na conferencia, que foi aberta polo presidente do CESE, Henri Malosse, e o presidente da RTA, Juan María Otaegui, do CES vasco, o CES–Galicia estivo representado pola súa presidenta, Corina Porro Martínez, e o secretario xeral, Juan José Gallego Fouz.

Con esta participación preténdese lograr que, a través do Comité Económico e Social Europeo, se faga chegar a voz da sociedade civil das rexións implicadas na estratexia da UE para a rexión atlántica ás altas institucións comunitarias.

Na súa intervención, a presidenta do CES-Galicia insistió na necesidade de mellorar as canles de comunicación de cara á socie-

dade civil, para que se coñeza e se acepte como propia a estratexia comunitaria por parte dos actores implicados. Corina Porro aproveitó tamén a ocasión para dirixirse á responsable de DG MARE e preguntar polo financiamento previsto para as autoestradas do mar. Dada a importancia da conectividade dos portos coas súas zonas de influencia, que nalgúns casos son moi amplas, a presidenta advertiu que as actuacións non poden acabar nas propias infraestruturas portuarias e preguntouse se as zonas non estrictamente marítimas serán tidas en conta nos novos instrumentos.

Nutrida participación e interese na xornada sobre o futuro do sector lácteo

5 de maio

Cunha nutrida participación se celebrou o pasado día 5 nas instalacións do CES a xornada do Idega “O futuro do sector lácteo galego nun horizonte sen cotas”.

A desaparición do sistema de cotas de produción vixente nos últimos anos coloca ao sector lácteo diante dun novo escenario que amosa numerosas incertidumes. Analizar a situación que se presenta, os seus retos e as actuacións prioritarios para abordala foron os obxectivos da xornada.

Investigadores, gandeiros e membros das organizacións agrarias,

empresarios do sector e representantes da Administración déronse cita para estudar polo miúdo a situación actual do sector lácteo galego e, principalmente, os retos que ten que afrontar ante a desaparición das cotas, cal pode ser o futuro da industria láctea de Galicia nun mercado liberalizado e os mecanismos de adaptación que deberá asumir.

Como en anteriores ocasións, logo de varias intervencións de expertos do Idega, das empresas do sector e de coñecer a visión da Consellería de Medio Rural e do Mar, celebrouse unha mesa redonda para debater se a desaparición das cotas pode ser unha ameaza para o sector ou unha fonte de oportunidades de cambio e mellora.

A xornada contoucoa presenza dun representante da Consellería, da Asociación de Empresas Lácteas de Galicia e con expertos das tres organizacións agrarias membros do CES: Xóvenes Agricultores, Unións Agrarias e o Sindicato Labrego Galego. Entre todos, perfectos coñecedores dos distintos aspectos da realidade do sector, amosaron a súa visión sobre qué actuacións son prioritarias para garantir o futuro dunha actividade moi destacada no sector primario de Galicia.

A xornada constitúe un novo paso no camiño de colaboración que o CES ven mantendo co Instituto de Estudos e Desenvolvemento de Galicia (Idega) da USC para achegar a investigación puntera en materias socioeconómicas de especial relevancia aos actores da sociedade civil.

O Premio de investigación “Valentín Paz Andrade” 2014, para un estudio sobre incendios forestais en Galicia

16 de decembro

O informe titulado *Estudio de la causalidad de los incendios forestales en Galicia*, dos autores Jesús Barreal, María L. Loureiro y Juan Picos, foi galardoado co premio de investigación en economía de Galicia “Valentín Paz Andrade” 2014, convocado polo IDEGA coa colaboración do CES. O acto formal de entrega da distinción tivo lugar o 16 de decembro en Santiago de Compostela.

Elixido entre preto dunha trintena de participantes, o traballo seleccionado, que foi publicado na Revista Galega de Economía (vol. 12, nº 1, “Economía agraria e recursos naturais” , 2012), analiza a problemática dos lumes forestais dun xeito global, afondando tanto nos aspectos ambientais como nos socioeconómicos.

En opinión do xurado, o estudio fíxose acreedor do premio por ser o que aportaba “unha maior relevancia para o progreso do coñecemento da realidade socioeconómica” galega e porque, polas súas aportacións, “fará posible, por medio das políticas defendidas, unha mellor asignación de recursos e un maior impulso ao coñecemento”, segundo as bases da convocatoria.

Entre outros aspectos valorados polo xurado presidido polo reitor da Universidade de Santiago de Compostela, Juan Viaño Rey, destacou que as conclusións recollidas no traballo premiado po-

actividades 2014

derán aplicarse na implementación de políticas de loita contra o lume polas administracións públicas en distintos eidos, desde as políticas agropecuarias ata a ordenación do territorio ou a reactivación demográfica das comarcas máis afectadas.

O premio “Valentín Paz Andrade” de investigación en economía de Galicia é convocado con carácter anual polo Insituto Universitario de Estudos e Desenvolvemento de Galicia (Idega) coa colaboración do Consello Económico e Social co obxecto de premiar aqueles traballos de investigación que contribúan ao mellor coñecemento da realidade económico-social de Galicia e ao establecemento das mellores políticas para contribuír ao benestar dos seus cidadáns.

O premio, que está dotado con 2.000 euros, ten carácter anual. Esta convocatoria é un elo máis na colaboración que ven mantendo o CES co instituto universitario en distintos ámbitos para mellorar o coñecemento da realidade socioeconómica de Galicia.

Os nosos proxectos para 2015

A continuidade e a consolidación das iniciativas desenvolvidas en 2014 é o obxectivo das actividades previstas inicialmente para o vindeiro ano, nas que estase xa a traballar. Entre outras, cómpre salientar as seguintes:

- 1.-** Emisión de ditames con carácter preceptivo ou facultativo.
- 2.-** Estudos ou informes por propia iniciativa ou a petición da Xunta de Galicia.

Ao longo do 2015 está previsto continuar coa nova liña de informes territoriais, concretamente co xa iniciado sobre Ferrol e a súa área de influencia. Tentamos levar a cabo un diagnóstico da situación económica e social dun territorio que abarca un total de vinte concellos e, a partires do mesmo, plantexar as directrices estratéxicas sobre as que basear a mellora do posicionamento e da competitividade da área.

3.- Memoria sobre a situación económica e social en Galicia

Como todos os anos o CES elaborará a Memoria sobre a situación económica e social de Galicia sobre a base dos novos criterios de elaboración establecidos pola Comisión Sectorial 4 no mes de xuño do pasado ano e que se pretende que servan sempre de referente para a elaboración das sucesivas Memorias.

4.- Xornadas, seminarios ou encontros

Dentro das previsión para o ano 2015 estase na idea de organizar ou colaborar en distintas xornadas, sacando o máximo partido da colaboración establecida co Idega. Neste senso, trabállase na organización dunha “Xornada sobre pobreza e exclusión social”, a finais de xuño. Baixo a mesma fórmula de organización, quedaría pendente, cara ao último trimestre do ano, unha “Xornada sobre o envellecemento poboacional: retos e impactos na economía galega”.

A estrutura da sesión mantendría a das xa celebradas, cun acto de presentación, dúas ponencias de conferenciantes de primeiro nivel e unha mesa redonda onde contaríase coa presenza de especialistas e, ademáis, de representantes dos tres grupos do CES.

A colaboración co Idega plasmarase tamén en outras dúas xornadas, aínda sen data concreta, para as que desexa contar coa nosa colaboración: unha sobre “Realidades e retos do sector de transformados do mar” e outra sobre o “Presente e o futuro do sector do viño”.

5.- Convenios de colaboración

O CES mantén unha normal colaboración con distintas institucións galegas naqueles ámbitos nos que cotiamente actúa, xenéricamente referidos ás materias socioeconómicas directamente vinculadas ao desenvolvemento económico e social de Galicia.

Salienta a relación coas Universidades, institucións que xa están representadas no Pleno do organismo. Consolidada xa unha estreita colaboración coa Universidade de Santiago, especialmente a través do Idega, téntase ampliar a dita colaboración a todas as universidades galegas. Os rectores xa confirmaron o seu interese nesta colaboración.

Tamén iniciáronse contactos tanto co Instituto Galego de Estatística (IGE) como con o Centro Informático da Xunta (CIXTEC). No primeiro caso trátase de que o IGE preste apoio técnico ao CES. No caso do CIXTEC trátase, de igual forma, de que este centro preste ao CES asistencia técnica e loxística aos soportes informáticos habituais dos que se dispoñe.

7.- Páxina web

Está previsto crear unha nova sección sobre conxuntura económica, na que periódicamente se presenten os datos correspondentes aos indicadores máis relevantes que afectan á economía galega.

8.- Participación na Red Transnacional Atlántica (RTA)

A pretensión da RTA para este ano de 2015, logo de rematar o estudo sobre “Condicións para a efectiva realización práctica da Estratexia Marítima Atlántica: apropiación, implementación e

actividades 2014

papel da sociedade civil”, é realizar un seguimientto permanente deste Programa comunitario, tratando de detectar en todo momento as disfuncións ou desviacións que poidan producirse na súa aplicación, sendo esta a liña de traballo que se vai seguir nos próximos meses.

